



UKA 2016/007-03

21-11-2016

2017-mut aningaasanut inatsisissatut siunnersuutip pingajussaanerneqarnera.

2017-imut Aningaasanut inatsisissatut siunnersuutip siullermeerneqarnerani aappassaanneerneqarneranilu Partii Naleqqamiit oqaaseqaativut innersuussutigalugit suliap pingajussaanerneqarneranut Partii Naleraq sinnerlugu imannak oqaaseqassuugut:

Aallaqqaasiullugu Partii Naleqqamiit piumasaqaatigeqqissuarput, inatsisartut Naalakkersuisullu sulinitssini aamma aningaasaqarnikkut ingerlatsinermi ammanerusumik pissuseqarnissaq, tassani pingartumik inatsisartut siulittaasoqarfiani aningaasaqarnikkut ingerlatsineq pillugu inuiaqatigiinni kikkunnulluunniit ammanerusumik paassisutissiissutigisinnanerata aaqqiivigineqarnissaa kissaatigaarput, tassa innuttaasut aamma tamakkiinerusumik paassisutissinneqartarnissaat tassani eqqarsaatigalugu.

Soorunami Partii Naleqqamiit aningaasanut inatsisissap Naalakkersuisunut isumaqatigiinniutigineqarnerani aalisartut siunnersorneqartarnerinut, aalisarnermik piniarnermillu inuussutissarsiuteqartunut aallartitseqqinnissamut tapiissuteqaqqittoqarsinnaalernissaa qulakkeerneqarmat iluarisumaarpapput.

Amma assut iluarisimaarpapput meeqqanut inuusuttunullu aningaasaliissutit periarfissanut arlalinnut qaffanneqartussangormata, minnerunngitsumik aamma angajoqqaat aningaasarsiakinnerit akunnatsumillu aningaasarsiallit meerartaasa akeqanngitsumik efterskokersinnaatitaalernissaat periarfissaqalissammatt.

Inunniq isumaginninnermut tunngasunik sullissinernut aningaasaliissutissat amerlineqarnissaat soorunami appaagumiit inunniq pisariaqartitsisorpassuarnik, minnerunngitsumillu meeqqanik inuusuttunilli sullissinerit pitsaanerulersinneqarnissaannut sunniuteqarluarnissaat

isumalluarfigaarpuit, naak soorunami isumaqatigiinniarnerni piumasaqaativut tamakkerneqanngikkaluartut.

EU-mut aalisagartassiissutissat naligisa ukiuni sisamani isertitassat 50 mio kr-inik appariarnissaannik naatsorsuuteqarneq akueriuminaappoq. Tassa ilaatigut pisassiissutissat ilisimatuussutikkut mississuiffigineqartarnerisa qulakkeersimaneqartannginnerat pissutaalluni, tassami pingaartumik tunup imartaata sineriaani ammassaat eqqarsaatigalugit.

Taamaammat Naalakkersuisunut kaammattuutigissuarput tulliani EU-mik aalisarneq pillugu isumaqatigiinniarnissami tamakku tamaasa sillimaffigeqqullugit, tassami aalisarneq nunatsinnut annaasaqarfiusussanngorlugu pilersaarusrifigineqarsinnaangilaq, illua-tungaani aalisartortatta ilaat aalisagartassaminnik amingaateqartartillugit.

Aalisarnermut akuersissutinik aamma nunaqarfinni isorliunerusunilu sanaartornermut akisussaaffit kommuninut nuunneqarnissaat iluarisimaarpaput, taamaaliornikkut aalisartut, nunaqarfimmiut isorliunerusuniittullu pitsaanerusumik sukanerusumillu sullinneqarsinnaanerat naatsorsuutigineqartariaqarmat.

Aamma qaasuitsup kommuニア avinneqarnisaanut aningaasartuutit affaasa Namminersorlutik Oqartussaniit akilerneqartussanngornerat nuannaarutingaarpuit.

KNR-ri nutaamik illorsuartaartussanngornera kiisami piviusunngortussanngorpasippoq, aamma soorunami tamanna pissusissamisoorpoq, kisianni innuttaasut kikkut tamat oqartussaaqataanerisa aqqani, nunap oqartussaasuisa qullerpaat sulinerannut malinnaatinneqartarnissaasa atuutilerseqqinnejarnissaas pisariaqarluinnarpoq, tassa inatsisartut ataatsimiinnerisa knr-ikkut toqqaannartumik aallakaatinneqartarnissaas pinngitsoorani inatsisartut upernaakkut 2017-mi ataatsimiinnerannit atuutilerseqqinnejartariaqartoq Partii Naleqqamiit piumasaqaatingaarpuit.

Aamma inuiaqatigiinni nuannaarutta aliasukkuttaluunniit pisariaqartitatsinnik pingaaruteqartumik sullisisut ilagiit sinnisaat, taaku qinikkat ulluinnarni sulinerminni, qinikkatulli allatut ataaqqineqarlutik isigineqalernissaat Naalakkersuisunut sulissutigeqqullugu kaammattuutigaarpuit aamma periarfissaatitaasut iluini 2017-imi ilagiit sinnisaannut qinikkat isumasioqatigiisinnejarnissaasa sulissutigineqarnissaas aamma kaammattuutigalugu.

Naggataatigut aamma ukiaq manna ataatsimiinnitsinni eqqartukkatta ilaat aammalu immikkoortumi, tassa kni-p innuttaasunik kiffartuussineranut tunngasoq aamma illoqarfinni mikinerusuni nunaqarfinnilu innuttaasut nioqqtissatigut ikummatissaqarnikkullu pilorsorneqarnerannut tunngasoq, minnerunngitsumik nioqqtissat illoqarfinni mikinerusuni nunaqarfinnilu, illoqarfinnut anginerusunik sanilliullugit, akisunerujussuarmik akilorsorneqarnerat naligiinnerulernissanik naalakkersuinikkut anguniagaqarnitsinni isumaqatigiissuteqarnerput innersuussutigalugu, nunaqarfinni isorliunerusunilu nioqqtissat akiisa apparsarneqarnissaannut Naalakkersuisut pimoorussillutik suliniuteqarnissaat Partii Naleqqamiit kaammattuutigaarput.

Naggaterpiaatigut Naalakkersuisunut kaammattuutigaarput, isumaqatigiinniarnitsinni angunngitsuukkatta ilaat, soorlu assersuutigalugu Ilulissani qulisamik arsaattarfekalernissaamut tunngasoq naalakkersuisoqarfimmi susassaqarfiusumik periarfissat iluini suliap ingerlalluarnissaanut tapersiummik tunisisoqarsinnaanera akuersaartumik suliarineqaqqullugu.

Taama naatsumik oqaaseqarluta aningaasanut inatsisisstatut siunnersummut naalakkersuisut allannguutissatut siunnersuutaat akuersaallugit taaseqataaffigissavagut.

Anthon Frederiksen